

Fundacion Herencia Historico di Aruba



ORANJESTAD (AAN) - Dialuna 6 November 2006 Lucia Kelly y Olinda Rasmijn di Fundacion Herencia Historico di Aruba a haci entrega di un programa audio-visual "Nos

Herencia Historico: e periodo Indjan" na Lupita Gil di UNOCA. E fundacion a logra realiza e proyecto aki cu yudanza financiero di UNOCA. E programa ta trata tres top-

ico: 1. Artefactonan indjan, 2. Santanan Indjan, 3. Number di lugarnan y pinturanan Indjan. Meta principal di e documentarionan ta pa muestra nos comunidad kico tin presente ainda di nos his-

toria y di e manera aki siña of sera conoci di nobo cu Aruba su historia.

E fundacion a presenta e documentarionan aki den diferente bario aki na Aruba y a acerca Biblioteca

Nacional Aruba pa presenta nan un of dos bes mas.

UNOCA lo bay trata di pone e progama aki ariba nan w e b s i t e www.unocaaruba.com pa e informacion alcanza mas hende den comunidad.

Dia 25 November Un anochi di Jazz na Cas di Cultura

ORANJESTAD (AAN):— Diasabra, 25 November proximo, Carlos Bislip's Jazz Expo ta organizando un anochi special na Cas di Cultura. Durante e prome parti di e anochi aki lo presenta e grupo di hobennan "Jazz Lions", kende ta yama nan mes "In- Fusion". Un grupo cu ta bou di maneho di Jeremy Bonarriba y Serghio

Jansen. E parti aki di e show mester wordo considera e concierto di despedida di Serghio, pasobra e lo biaha na Januari pa Boston pa cuminsa cu su estudio den musica na Berklee College of Music. Pa e segundo parti tin programa "Carlos Bislip Quintet", kendenan lo presenta nan musica original. Tur amantenan di Jazz ta keda cordialmente invita.